

**REGLUGERÐ FRAMKVÆMDASTJÓRNARINNAR (ESB) nr. 966/2014****2015/EES/23/25**

frá 12. september 2014

**um breytingu á viðaukanum við reglugerð (ESB) nr. 231/2012 um nákvæmar skilgreiningar á aukefnum í matvælum sem eru tilgreind í II. og III. viðauka við reglugerð Evrópuþingsins og ráðsins (EB) nr. 1333/2008 að því er varðar nákvæmar skilgreiningar á kalsíumprópiónati (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum <sup>(1)</sup>, einkum 14. gr.,með hliðsjón af reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum <sup>(2)</sup>, einkum 5. mgr. 7. gr.,*og að teknu tilliti til eftirfarandi:*

- 1) Í reglugerð framkvæmdastjórnarinnar (ESB) nr. 231/2012 <sup>(3)</sup> er mælt fyrir um nákvæmar skilgreiningar á aukefnum í matvælum sem eru tilgreind í II. og III. viðauka við reglugerð (EB) nr. 1333/2008.
- 2) Þessar nákvæmu skilgreiningarnar má uppfæra í samræmi við sameiginlegu málsmeðferðina sem um getur í 1. mgr. 3. gr. reglugerðar (EB) nr. 1331/2008, annaðhvort að frumkvæði framkvæmdastjórnarinnar eða í kjölfar umsóknar.
- 3) Hinn 10. september 2013 var lögð fram umsókn um breytingu á nákvæmum skilgreiningum varðandi matvælaaukefnið kalsíumprópiónat (E 282). Umsóknin var gerð aðgengileg fyrir aðildarríkin skv. 4. gr. reglugerðar (EB) nr. 1331/2008.
- 4) Í nógildandi nákvæmum skilgreiningum fyrir kalsíumprópiónat (E 282) eru fastsett 10 mg/kg hámarksgildi fyrir flúoríð sem skapar erfiðleika við framboð á hráefnum og framleiðslu á þessu aukefni. Kalsíumprópiónat (E 282) er fengið úr kalsíumoxíði (E 529) sem er með fastsett hámarksgildið 50 mg/kg fyrir flúoríð. Framleiðendur þurfa að nota kalsíumoxíð með hámarksgildið 33 mg/kg fyrir flúoríð, sem er lægra en nógildandi leyfilegt hámarksgildi, til að framleiða kalsíumprópiónat sem er í samræmi við nógildandi fastsett hámarksgildi fyrir flúoríð. Af þessum sökum er kalsíumoxíði til framleiðslu á kalsíumprópiónati vart fánlegt á evrópskum markaði. Í því skyni að hafa nægar birgðir af kalsíumoxíði til framleiðslu á kalsíumprópiónati ætti að hækka hámarksgildi flúoríðs fyrir kalsíumprópiónat úr 10 í 20 mg/kg.
- 5) Nýja hámarksgildið 20 mg/kg er enn langt undir hámarksgildum fyrir flúoríð sem eru sem stendur í gildi fyrir önnur matvælaaukefni. Aukin váhrif af völdum flúoríðs á grundvelli þessara nýju hámarksgilda ættu að haldast takmörkuð og ættu ekki að leiða til aukinnar heildarinntöku. Því er rétt að leyfa breytingu á nákvæmu skilgreiningunum að því er varðar matvælaaukefnið kalsíumprópiónat (E 282).

(\*) Þessi ESB-gerð birtist í Stjtið. ESB L 272, 13.9.2014, bls. 1. Hennar var getið í ákvörðun sameiginlegu EES-nefndarinnar nr. 47/2015 frá 20. mars 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

<sup>(1)</sup> Stjtið. ESB L 354, 31.12.2008, bls. 16.

<sup>(2)</sup> Stjtið. ESB L 354, 31.12.2008, bls. 1.

<sup>(3)</sup> Reglugerð framkvæmdastjórnarinnar (ESB) nr. 231/2012 frá 9. mars 2012 um nákvæmar skilgreiningar á aukefnum í matvælum sem eru tilgreind í II. og III. viðauka við reglugerð Evrópuþingsins og ráðsins (EB) nr. 1333/2008 (Stjtið ESB L 83, 22.3.2012, bls. 1).

- 6) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunar Evrópu áður en hún uppfærir skrá Evrópusambandsins yfir matvælaaukefni nema þegar ólíklegt er að uppfærslan, sem um er að ræða, hafi áhrif á heilbrigði manna. Þar eð ólíklegt er að uppfærslan, sem um er að ræða, hafi áhrif á heilbrigði manna er ekki nauðsynlegt að leita álits Matvælaöryggisstofnunar Evrópu.
- 7) Því ber að breyta reglugerð (ESB) nr. 231/2012 til samræmis við það.
- 8) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

*1. gr.*

Viðaukanum við reglugerð (ESB) nr. 231/2012 er breytt í samræmi við viðaukann við þessa reglugerð.

*2. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 12. september 2014.

*Fyrir hönd framkvæmdastjórnarinnar,*

José Manuel BARROSO

*forseti.*

VIDAUKI

Í stað nákvæmu skilgreiningarinnar um hreinleika flúoríðs í færslunni fyrir E 282, kalsíumprópiónat, í viðaukanum við reglugerð (ESB) nr. 231/2012 komi eftirfarandi:

„Flúoríð	Ekki meira en 20 mg/kg“
----------	-------------------------